

Aretxagazeta

ARETXABALETA / Eguena / 2005eko irailaren 8a

392. zenbakia

KOORDINATZAILEA: Mirari Altube • Durana 11 ARETXABALETA 20550 • Tel.: 943 79 86 21 • Faxa: 943 77 18 54 • Posta elektronikoa: aretxagazeta@goiena.com • Lege gordailua: 55378/94

Ibarreko 200 ume elkartuko dira domekan Haur Dantzarien Eguna ospatzeko

MIRARI ALTUBE

Domekan, irailak 11, ospatuko dute Haur Dantzarien Eguna. Ohi baino lehenago dator hitzordua —iraileko hirugarren domekan ospatu izan da—, baina ibarreko dantzariak ez dute hutsik egingo. Ia 200 ume elkartuko dira kaleetan jai giroa sortuz.

Euskal dantzak gustuko dituenak hutsik egin behar ez duen hitzordua dauka domekan. Arrasate, Bergara, Oñati eta Antzuolatik etorritako neska-mutikoek dantza erakustaldi bikaina eskainiko dute gure kaleetan aretxabaletarrekin batera.

IBARREKO SEI TALDE

Aurten Soraluzeke taldearen falta sumatuko du batek baino gehiagok, ezin izango dira-eta etorri. Ibarreko taldeak hemen izango dira: Arrasateko Lore Gazteak eta Txikitxu, Bergarako Gazte Alai, Antzuolako Oin Arin, Oñatiko Oñatz eta zela ez, Aretxabaletako Loramendi Dantza Taldea.

Urteroko egitaraua eskainiko diete herritarrei. Hala, 10:30ean elkartuko dira guztiak Herriko Plazan, dantzan hasi aurretik mokadutxoak jateko. Ondoren kalejira egingo dute eta lau gunetan



Herriko lau gunetan (Herriko Plazan, Ilargi plazan, Mitarte plazan eta Durana kalean) egingo dituzte ikuskizunak dantzariak.

banatuko dira dantzan egiteko: Herriko Plazan, Ilargi plazan, Durana kalean eta Mitarte plazan. 13:30ean bazkaltzera joango dira neska-mutiko zein laguntzaileak.

Arratsaldeko saioa 17:00etan hasiko da, eta alardea egingo dute Herriko Plazan. Neskek Sagar dantza eta Makila Txiki egingo dituz-

te dantzan, eta mutilek Txankarrankoa eta Banakoa. Bukatzeko Txulalai, Luzaideko Esku dantza, San Petit eta Makila Txikiak eskainiko dituzte guztiek batera.

FAMILIAK BEHAR DITUZTE

Loramendi Dantza Taldeak herritarren laguntza behar du etorriko

diren dantzari eta laguntzaileei bazkaltzen emateko. Fitxak banatu dituzte etxez etxe betetzeko eta ondoren Eroski dendetara edo Gurea tabernara eraman behar dira. Gaur da azken eguna fitxok eramateko, hortaz, bizkor ibil dadila jendea. Urtetik urtera gero eta dantzari gehiagok bazkaltzen du

Arrasatetik, Oñatitik, Bergaratik eta Antzuolatik etorriko dira herrikoekin elkartzeko

Kalejira egin ostean lau gunetan banatuko dira neska-mutikoak dantzan egiteko

Loramendi Dantza Taldeak herritarren laguntza behar du dantzariet bazkaltzen emateko

gastronomi elkarteetan eta Loramendiko kideek herritarrei eskatera berezia egin gura diete dantzariak etxeetan har ditzaten.

Gaur hasi eta domekara bitartean Agorreko Andramaixak Areantzan

M.A.

Gaur, eguena, hasi eta domekara bitartean jaiak dituzte Areantza auzoan. Egubakoitzeko afaria eta jolasak izango dira Agorreko Andramaixetako protagonista, Martin Kabarrixa ahaztu barik, noski.

Gaur, irailak 8, Andre Mariaren Natibitate edo jaiotza eguna ospatzen dute Areantza auzoan. Gaur hasiko dituzte jaiak Ama Birjina-

ri otoitz eginaz, eta bihar Martin Kabarrixa jarriko dute.

EGITARAU DOTOREA

Gaur, 19:00etan meza esango dute eta ondoren mokadutxoak eskaini. Bihar, egubakoitza, Martin Kabarrixa jarriko dute 20:00-etan Iturriko erromaran, kantuan egin eta auzo jiran joango dira. 20:30ean, auzo afaria izango dute, eta afa-losterako hainbat ekintza antolatu dituzte: auzoko leku izenen maparen aurkezpena, dantzaldia eta

zozketak. Zapatua auzo jirarekin hasiko dute, eta 12:00etan meza nagusia izango dute Aretxabaleta Abesbatzaren laguntzarekin. Gero luntxa eskainiko dute auzoko produktuekin. 13:30ean, gimkana txapelketa egingo dute eta 18:00etan, Areantzako jolasak: txapela jaurti, itsulapikoa bete... 19:00etan, ostera, aro-sartze txapelketa.

Domekan Kurtzebarrira joango dira auzotarrak, eta jaiak bukatzeko Martin Kabarrixa etxeratu-ko dute eguerdian.



Zapatuan jolasak izango dira protagonista Agorreko Andramaixetan.

FARMAZIENTXANDA

ZAPATUA, 10
FRAILE Herriko Plaza, 10... 943 79 21 99

DOMEKA, 11
FRAILE Herriko Plaza, 10... 943 79 21 99

TELEFONOAK

OROKORRAK	
Almen	943 71 49 07
ARETXAGAZETA	943 79 86 21
Faxa	943 77 18 54
Basotxo	943 77 09 81
Euskaltegia	943 79 21 68
Gizarte laguntzalea	943 71 18 62
Industriaidea	943 79 62 80
Institua	943 79 79 00
Kirol etxea	943 71 26 28
Kultura etxea	943 71 10 27
Gazteria saila	943 71 10 27
Kurtzebarri Eskola	943 79 00 49
Kurtzebarri BHI	943 79 57 40
KZGunea	934 79 94 44
Liburutegia	943 71 18 62
Loramendi EE	943 77 09 70
Ludoteka	943 79 05 81
Mankomunitatea	943 79 30 90
Murruko ME	943 79 93 74
Musika Eskola	943 79 36 50
Ossun etxea	943 71 19 59
Oralora	943 71 24 06
Parrokia (bulegoa)	943 79 18 42
Parroquia Haur Eskola	943 77 03 77
Postetxea	943 79 28 31
Basabeazpi Ikastola	943 71 21 18
Taxi geltokia	943 77 12 64
Udal Bulegoak	943 71 18 62
Udaltzaingoa	943 71 18 63
Urats Gain	943 79 99 11

UDALITZAINGOA
Arasate 943 79 14 39

LARRIALDIK

SOS Deiak	112
Eskualde Ospitalea	943 03 53 00
Ertzaintza	943 79 71 99
Gurutze Gornia	943 76 55 76
Larrialdiak	943 46 11 11
Suhiltzaileak (Orñati)	943 78 28 00

MEZAK

ANDRA MARIAREN ZERURATZE PARROKIA
Domeketan: 11:30
Zapatuetan: 20:00
Hiletak: 19:00

SANTA RITA
Domeketan: 09:00
Zapatuetan: 18:30
Lanegunetan: 19:00

BASERRI AUZOETAN: GOROETA
Domeketan: 12:30

ARKARAZO
Domeketan: 11:30

GELLAO/ZURIETA/GALARTZA
Ez dago mezarik.

KONTZENTRAZIOAK

Kontzentrazioak egiten dituzte Zuhaitzen egoera salatzen

M.A.

Irailaren 1a ezker kontzentrazioak egiten dituzte egunero 19:00etan, Mitarte kalean. Salatu gura dute Zuhaitz Errasti isolamenduan eta gose greban dagoela Nantesen.

Abuztuaren 15a ezker dago gose greban Zuhaitz Errasti Nantesko presondegian. Hala, harekin bat egin eta isolamenduan dagoela salatzen kontzentrazioak egiten dituzte aretxabaletarrek egunero, Mitarte kalean.

ISOLAMENDU EGOERAN

Uztailaren 28an atxilotu zuten Zuhaitz, Frantzia erdialdeko Briev-la-Gaillarde herrian, Jon Troitiñorekin batera. Fleuryko presondegira eraman zuten lehengo, baina handik egun gutxira Nanteskora aldatu zuten. Nantesen isolamenduan daukate, eta Zuhaitzek eskaera egin zion kartzelako zuzendariari beste presondegi batera eramateko, beste euskal preso politikoekin batera. Zuzendariak epailearekin hitz egin behar zuela esanaz ez dio oraindik erantzunik eman, eta gose grebari hasiera ematea erabaki zuen abuztuaren 15ean. Gai-

Kontzentrazioak egiten dituzte Zuhaitzekin bat egin eta isolamendu egoera salatzen

nera, ez du utziko gose greba beste euskal presoekin eraman bitartean.

Herrian bat egin dute Zuhaitzek bizi duen isolamendu egoerarekin, eta gose greban dagoela gogorarazteko kontzentrazioak egiten dituzte egunero, 19:00etan, Mitarte kalean. Hala jarraituko dute, Zuhaitzek isolamendu egoeran dirauen bitartean.

KEPA URRA, CADIZERA

Orain arte Coruñaako Curtisen egon den Kepa Urria, bestalde, Andaluziara eraman dute abuztuaren 15ean. Coruñatik atera ostean Salamanca eta Badajozko espetxeetan izan dutela jakin dute etxekoek, eta orain, Cadizko Puerto de Santamaria kartzelan dago. Lehen ere sei urte eta erdi pasatu zituen Kepak Puerton.



Mitarte kalean egiten dituzte kontzentrazioak irailaren 1a ezker.



Urteroko erromesaldia Arantzazura

Urtero moduan iraileko lehen astelehenean erromesaldia egin zuten aretxabaletarrek Arantzazura. Autobus bi hurreratu ziren Basotxo Erretiratuen Elkartek antolatuta, eta udalbatzako kideek ere ez zuten hutsik egin. Mikel Uribebarria, Xabier Sarasua eta Joxe Anjel Antxia zinegotziek oinez egin zuten Arantzazurako bidea. Autobusean joandako herritarrek Ostatuan bazkaldu zuten eta udalbatzako kideek, Udaleko hainbat teknikarirekin batera, Zelai-Zabal jatetxean. / M.A.

LABUR

16:00etatik 20:00etara dago zabalik KZgunea, eta hainbat ikastaro antolatu ditu

Irailarekin batera zabaldu ditu ateak KZguneak, eta nabigatzera joan gura duenak arratsaldeetan dauka zabalik, 16:00etatik 20:00etara. Internet ezagutu gura duenak, bestalde, hainbat ikastaro ditu aukeran hil honetan bertan. Nabigatzen ikasteko ikastaroa hilaren 19an hasiko dute; egunkaria zela irakurri hilaren 15ean eta Internet bidez erosten animatzeko, ostera, hilaren 16an. Posta elektronikoa erabiltzen erakutsiko dute irailaren 22an eta finantzekin zerikusia daukaten ikastaroak emango dituzte 27an eta 28an. Eta foroetan zelan parte hartu jakin gura duena hilaren 29an hurrera dadila KZgunera. Ikastaro guztiak dira euskaraz, eta izena emateko Markole auzoan dagoen lokalera hurreratu beharko dira interesatuak.

Irailaren 12tik aurrera ohiko ordutegia du liburutegiak, eta 19tik aurrera udaletxeak

Asteleheneetik aurrera, irailak 12, ohiko ordutegia izango du Udal Liburutegiak: 11:00etatik 13:00etara eta 17:00etatik 20:00etara, hain zuzen ere. Udaleko teknikariek, ostera, oraindik beste aste-bete egingo dute uda garaiko ordutegiarekin. Hala, hilaren 12tik 19ra bitartean goizez bakarrik egingo dute lan. Goizez udaletxera joan ezin duenak, jakin dezala 19tik aurrera goizez eta arratsaldez aurkituko dituela udaletxean.



LURRINDEGIA OPARI DENDA

Mitarte 18 • 943 79 38 59
ARETXABALETA



Bere bezeroen zerbitzura

Mitarte 16
Tel.: 943 79 01 72
ARETXABALETA




Zenbaki

- Kontabilitatea
- Fiskalitatea
- Lana
- Juridikoa

Aholkularitza

Basabe poligonoa F-O-10 (1. solairua) ARETXABALETA
Tel.: 943 71 21 12 - Faxa: 943 71 22 68



URA GASA KALEFAKZIOA

MITARTE, 15
ARETXABALETA

943 793 187

Lau kirol jarduera berri eskainiko dituzte kirol etxean ikasturtean

M.A.

Irailaren 19an hasiko dute ikasturtea kirol etxean, eta hainbat kirol jarduera eskaini dizkiete herritarrei. Betiko jarduerekin batera lau berri hasiko dituzte: tonifikazioa, gimnasia terapeutikoa, bizkarra lantzeko gimnasia eta gorputz kontzientzia.

Ikastaroen berri ematen duen esku-orria banatu dute Udaleko kirol zerbitzuek etxez etxe, eta dagoeneko zabalik dago izena emateko epea. Interesatuak kirol etxera deitu besterik ez dute, ikastaroak hastear daude.


LAU IKASTARO BERRI

Herritarren beharrak kontuan hartuta eta kirol eskaintza zabalagoa eskura jartzeko asmoarekin lau ikastaro berri antolatu dituzte kirol zerbitzuek. Muskuluen tonua garatzen erakutsiko dute tonifikazioa deritzon jardueran. Hankak, gluteoak, bizkarra, abdominalak, besoak eta beste horrenbeste atal landuko dituzte taldean musikarekin. Gimnasia terapeutikoa, ostera, min edo patologiarekin bat duten pertsonen zuzendutako gimnasia da. 60 minutuko bi saio egingo dituzte astean, eta irakaslea fisioterapeuta izango da.

Bereziki bizkarra eta abdominalak landuko dituzten jarduera ere antolatu dute, eta astean 30 minutuko bi saio egingo dituzte. Bestalde, pilates metodoa entzuten da asko azken urteotan, baina oraindik batzuek ez dakite zer den. Gorputz kontzientzia jarduera pilates metodoa ezagutzen joateko antolatu dute: luzaketak, erlaxazioa, arnasketa eta beste horrenbeste ariketa landuko dituzte Pili Muñagorri irakaslearekin.

BETIKO KIROL JARDUERAK

Berriak bakarrik ez, azken urteotan eskaintzen dituzten jarduerak guztiak egongo dira aukeratzeko kirol etxean. Arrakasta handia izan dute orain artean aerobik eta spinning jarduerak, eta gaztetxoak ere hurreratzen dira. Hala, aerobika 14 urtetik gorakoen



Ikasturtea hasteko 16 urtetik gorakoendako bakarrik eskaini dute spinninga.

Pilates metodoa ezagutzen joateko antolatu dute gorputz kontzientzia jarduera

dako antolatu dute, eta astean bi egunetan edo hirutan egin ahal izango dute. Spinninga, berriz, 16 urtetik gorakoendako izango da, eta astean egun bakarra, bi egun edo hiru egun dituzte aukeran. Mantentze gimnasia ere egongo da 16 urtetik gorakoendako.

Igeriketa ikastaroak, ostera, ume zein nagusiendako daude. Hiru urtetik gorakoek 30 minutuko bi saio izango dituzte astean, eta helduek 45 minutuko saioak. Helduen kasuan hastapeneko ikastaroa eta hobekuntza ikastaroa daude aukeran. Igerian egin barik, uretan gimnasia egin gura duenak aquagyma izango du.

Hirugarren adinekoendako gimnasia astelehen, eguazten eta

Masaje zerbitzua dago martxan uda ezkerro, eta aurrez deitu behar da txanda hartzeko

egubakoitz goizetan emango dute, eta gutxitu psikikoendako Atzegiko gimnasia martitzen, eguen eta egubakoitz arratsaldeetan. Banakako entrenamenduak ere eska daitezke kirola modu egokian egiten ikasteko.

ERA GUZTIETAKO MASAJEAK

Guztia osatzeko masaje zerbitzua dago martxan uda ezkerro: masaje terapeutikoak, erlaxagarriak, kirol lesioen tratamendua... Aurrez hartu behar da txanda kirol etxera deituta edo fisioterapia@goienasport.com helbidean eskaera eginda. Ez da beharrezkoa kirol etxeko abonatu izatea, baina horiek prezio bereziak dituzte.

Goiz pasa bikaina antolatu dute Kurtzebarri egunerako

M.A.

Kurtzebarri mendiaren eguna ospatuko dute domekan, irailak 11. Murruxio Mendizale Elkartek gertu dauka egitaraua: 11:00etan salda, 11:30ean meza eta ondoren mokadutxo. Goiz pasa bikaina mendizaleendako.

Kurtzebarri mendiaren magalean bizi gara aretxabaletarrok eta urte guztian geuri begira dagoen mendiarekin gogoratzen gara irailan. Murruxio MEk aurtan ere goiz pasa ederra antolatu du aretxabaletar eta domekan

Kurtzebarrira hurreratuko den guztiarendako.

Indarrak berreskuratzeko salda emango dute tontorrean 11:00etan, eta 11:30ean meza esango dute. Bukatu ondoren eta barrua berotzeko mokadutxo eskainiko diete Murruxio kideek igotako: txorizoa, gazta eta xanpaina. Eguraldi txarra eginez gero antolatzaileek erabakiko dute non egin ospakizuna.

Dagoeneko 77 urte bete dira aurtan Kurtzebarrin gurutzeari jarri zutela hainbat herritarrek. Ospakizun handia egin zuten 1928an, eta ordukoa gogoratu eta ospatuko dute domekan.



Urtero igotzen dira 100 bat lagun mendi tontorrera Kurtzebarri eguna ospatzera.

KARATE KYOKUSHINKAI



Ordutegia:
Astearte eta ostiralak
18:30etik 20:30era
Kurtzebarri eskolan

Tel.: 656701737

PAGALDAI

*Opari denda
Lurrindegia*

Durana 33 • Aretxabaleta
943 79 10 14

Iber

★ Loteria ★
✿ Paper denda ✿
✱ Liburuak ✱

Otalora 2.
ARETXABALETA
Tel.: 943 79 04 39

GARBITU S. KOOP

*Garbiketa
orokorrak*

Errekabarren 3- Behea
ARETXABALETA
Tel.: 943 79 01 28

Mobiliario ARENAZA

• ALTZARIAK
• DISEINUA
• APAINKETA

Bizkaia 1 - Tel.: 943 79 08 07
ARETXABALETA

Angelines AUTOZERBITZUA


*Frutan eta
txarkuterian
espezialitatea*

Mitarte 16 • 943 79 61 42
ARETXABALETA

ATREBENTZIAEZPADA/ Ze pentsetan jatzu New Orleansen bizi dauen egoerie?



KONTXI CARRASCO
Langillie




IMANOL LUENGO
Langillie



ELENA PEREZ
Langillie



JOSU PEREZ DE EULATE
Langillie



DEIANE MADINABEITIA
Langillie



ILDEFONSO ALVAREZ
Langillie

Telebistan ikusi dittut irudixek eta gogorra da benetan. Emuten dau herritar danak atarateko astirik ez dauela izen. Egixe esateko ez dakit ze baliabide biher izengo zittuen.

Betiko moduen pobriek die galtzailliek eta New Orleansen be horretxeik die laguntzarik jaso ez dauenak. Natura bere lekuen bille juen da, hortan, gauzak ondo egin biher dien seiñale.

Ez nau harritsu, bapez, herri aberatsen barruan oso txarto pasetan dauen jentie dau eta horixe ikusten da. Gizakixak dana dominau gure dau, baitte natura be, baiñe argi dau ezin dauela.

Halako ahalmena daukiela erakusten ibiltten die beti Ameriketako Estatu Batuak, eta etxien tokau jakuenien ez daue biher dan moduko erantzunik emun. Hori ikusten dou kanpotik.

Geu gabiltz dana hankaz gorra jarten, eta pentsetan dou indartsuek izenda naturiei aurre egin biher dutzouela, baiñe ezin da. Herri pobriek tokau jakie oin arte, baiñe aberatsak be ez dauz salbu.

Ez euen pentsau be egingo halakue izengo zanik. Ameriketako Estatu Batuak aberatsak die itxura baten, baiñe zalantzak dittut; hamen baiño okerrau bizi dan jentte asko dauelakuen nau.

TXALOAK ETATXISTUAK



TXISTUAK APURKETAK INSTITUTUAN Oporretatik bueltan gorabehera asko aurki daitezke, baina okerrenarekin egin dute topo Aretxabaleako Institutuan: apurketak eta lapurretak. Baten batzuk aspertu egiten ziren oporretan eta Institutua aurkitu zuten egonleku. Hori bakarrik ez, han eta hemen apurketak egin eta bide batez materiala eramateko aprobetxatu zituzten egunok. / M.A.

ORAIN DELA 3URTE ARETXABALEAN

Antonio Astigarraga parrokoaren agurra



Sei urte egin zituen Antonio Astigarraga azkoitiarrak Aretxabaleako parrokiaren buru, eta irailaren 14an agur esan zien herritarrei. Bartzelonara joan zen liturgiaren gaineko ikasketak egitera, eta haren lekua betetzeko, gotzainak Jesus Ortiz de Urbina izendatu zuen parroko.

ASTEKODATUA

5

ENPRESA AURKEZTU DIRA ETXKO LAGUNTZA EMATEKO

Uztailarekin batera itxi zen etxez etxeko laguntza zerbitzua eskaintzeko Udalak kaleratutako deialdia. Bost enpresak aurkeztu zuten proiektua, eta orain erabakiko du Udalak zeini eman.

BESTE EKESANA

“Autoa hartu eta geure kontura hiru lagun joan ginen Alemaniako Kolonia hirira. Bidaiaren lema zen

Zatozte bera agurtzera! Bera ez da Aita Santua, bera da Jesus, eta helburu horrekin antolatu zen Kolonian mundu mailako gazteen topaketa. Lema hori zen tradizioak dielako Koloniako katedralean daudela hiru magoen erlikiak, Belenera Jesus gurtzera joan ziren hiru magoen erlikiak, eta gu ere haien antzera Jesus gurtzera joan ginen Koloniarra. Benetan gauza zirraragarria da hainbeste gazte elkartzea; 700 mila eta milioi bat artean elkartu ginela esan zuten, ez dakit, baina asko. Hiriak berak beste horrenbeste biztanle ditu eta erabat gaindituta geratu zen, hori Alemania izanik eta oso ondo antolatuta egonda.

JON MOLINA
Arrasate Irratia/05-09-05

HERRITARREN BERBAK/ Arantxa Jaka



Lepoan hartu (e)ta segi aurrera...

Bai, musika eder pixka bat beharko da orain dela egun gutxi batzuk hasitako hilabeteari aurre egiteko. Udarako oporren ondoren etxera itzultzeko mailetak itxerakoan bertan gelditu dira hondartzako eta mendiko ametsak, lagunarteko egonaldiak, egun bereziak eta desordenatuak batzutan... Eta datorren urte arte! Herriko lasaitasunetan gelditu garenok edota gutxiago mugitu aldapa xamurragoa egingo zaigu aldaketak txikiagoak izan ditugulako. Dena den, psikologikoki txipa aldatu beharko dugu gizartearen oporrak mito baten antzekoak bihurtzen ari baikara eta hori denon baitan sartzen da. Ez noa atsedendialdiak ukatzera, beharrezkoak dira. Baina, ez litzateke gaizki egongo egun hauei argazki bat egitea; urteko korrikak eta presak, estresak, hasi aurretik gelditu eta atsedendialdiaren, horrela gertatu bada, erretratua

begiratzea: Ze izan dira egun hauek niretzat/guretzat? Nola bizi izan ditut? Nire gorputzak eta arimak lasaitasun pixka bat ezagutu dute? Benetan disfrutatu dut eta berritua sentitzen naiz?

Badakit ez dela erraza geure begiak, buruak eta bihotza

“Psikologikoki “txipa” aldatu beharko dugu gizartearen oporrak “mito” baten antzekoak bihurtzen ari baikara”

Estatu Batuetako hegoaldeko Katrinarren eta beste hainbat kalamitatezko irudiaz eta informazioz bete zaizkigun honetan “ariketa” hau egitea. Baina, gauza bat egin dezakegu: gertakizun hauek ere geure

hausnarketaren barruan txertatu. Irudiak eta notiziak bakarrik entzutea, Ameriketako presidenteari erru gehiena botatzea ez da nahikoa, uste dut inoiz baino gehiago geure bizitza, munduko gertakizunak irakurtzen, geureganatzen ikasi beharra daukagula; bestela, aurki, gara berriro ikasturtearen etsipenezko lamentazioak jotzen. Eta hori, bizitzea ote? Horretarako oporrak merezi ote?

Aretxagazeta

Durana 11
20550 ARETXABALETA
Tel.: 943 79 86 21
Faxa: 943 77 18 54

Posta-e: aretxagazeta@goiena.com

ZUZENDARIA
Mirari Altube

ERREDAKZIOA
Mirari Altube

MAKETAZIOA
Alex Azkarate

PUBLIZITATEA
Ziortza Martin

ZUZENTZAILEA
Sergio Azkarate

LEGE-GORDAILUA
SS-378-94

ISSN
1134-2609

TIRADA
3.800 ale

ARETXAGAZETA / ZE BARRI? • Edizio honek erakunde hauen laguntza izan du:

Goiena
Komunikazio Zerbitzuak



Eusko Jaurlaritzako
Kultura Saila



Gipuzkoako
Foru Aldundia



Aretxabaleako
Udala



Eskoriatzako
Udala



Leintz Gatzagako
Udala